

頭置於膊上而語許曰汝且在此間勿向西院待吾為汝造請即應得出遂於語處而住更不東西看其吉光栖遑似有經記凡經再宿吉光始來語許云汝令此來王欲令汝作其女伎儻引見不須道解絃管如其不為所悉可引吾為證也少間有吏抱案引入王果

問之解絃管不許云不解復云沈吉光具知王問吉光答云不解王曰宜早放還不須留也于時吉光欲發遣即共執案人籌度不解其語執案人云娘子功德力雖強然為先有少罪隨便受却身業俱淨豈不快哉更別引入一大院其門極小亦大見有人受罪許甚

驚懼及求於主者曰生平修福何罪而至斯也答曰娘子曾以不淨盃盛食與親湏受此罪方可得去遂以銅汁灌口非常苦毒比蘇時口內皆爛光即云可於此人處受一本經記取將歸受持勿怠自今已去保年八十有餘許生曾未誦經蘇後遂誦得經一卷詢訪

人間所未曾有今見受持讀誦不關其經見在文多不載蘇活之後吉光尚存以後二年方始遇害凡諸親屬有欲死者三年以前並於地下預見許之從父弟仁則說之云尔

右一驗出冥報記

法苑珠林卷第九十四

法苑珠林卷第九十五

羅

大唐上都西明寺沙門釋道世字玄暉撰

病苦篇第九十五 此有六部

述意部

引證部

瞻病部

醫療部

安置部

般念部

述意部第一 夫三界遐曠六道繁興莫不

皆依四大相資五根成體聚則為身散則歸空然風火性殊地木質異各稱其分皆欲求適求適之理既難所以調和之乖為易忽一大不調四大俱損如地大增則形體黧黑肌肉青淤癢癢結聚如鐵如石若地大虧則四肢損弱或失半體或偏枯殘廢或毀鬪失聰

若水大增則膚肉虛滿體無華色舉身萎黃
 神顏但喪手脚黃腫膀胱脹急若水大損則
 瘦削骨立筋現脉沉唇舌乾燥耳鼻焦閉五
 臟內煎津液外竭六腑消耗不能自立若火
 大增則舉體煩燥焦熱如燒癰疽腫瘡痲
 潰爛膿血流溢臭穢竟充若火大損則四體
 羸瘠腑臟如冰焦膈疑寒口若含霜夏暑重
 裘未嘗溫慰食不消化恒常嘔逆若風大增
 則氣滿膏塞府膈痞隔手足緩弱四體疼痛
 若風大損則身形羸瘠氣裁如線動轉疲乏
 引息如抽咳噎噫噦咽舌難急腹厭背饑心
 內若冰頸筋喉腭奮作鼓脹如是種種皆是
 四大乍增乍損致有痾疾既一大嬰羸則三
 大皆苦展轉皆病俱生煎惱四大交反良由
 苦報無愧無恥無思無義常隨四時資給所
 須晝夜將養未曾荷思片失供承便招痛苦
 既知無思徒勞養育縱加美食華服終成糞
 穢但趣得支身以除飢寒終不為汝踵前蓄

積以勞我心廢求修道良由身為苦器陰是
 坯瓶易損難持四大浮虛玄相乖反五陰緣
 假多生惱患所以稟形人世逢穢濁之時受
 質偽身居怖畏之境幽冥無量鬼神恒沙種
 埃尤多草蓐未辯或依房依廟附岳附丘凡
 有含靈並皆祗響致使神爽冥昧識慮昏茫
 至於寤寐多有恐怖庶得臨危攝念無俟三
 稱在嶮逢安寧勞于適願增益神道加足威
 光以害利生無相惱害誠言可錄信驗有徵矣
 引證部第二 如佛說醫經云人身中本有
 四病一地二水三火四風風增氣起火增熱
 起水增寒起土增力盛本從是四病起四百
 羅 宋 九十五
 四病故土屬身水屬口火屬眼風屬耳火少
 寒多日真春正月二月三月寒多夏四月五
 月六月風多以西國夏中多風秋七月八月
 九月熱多西國於此秋時熱始冬十月十一
 月十二月有風有寒何以故春寒多者以万
 物皆生以寒出故寒多何以故夏風多者以

万物榮華陰陽含聚故風多何以故秋熱多者以万物成熟故熱多何以故冬有風有寒者以万物終亡熱去故有風寒三月四月五月六月七月時得卧何以故以風多故身放八月九月十月十一月十二月正月二月不時不得卧何以故以寒多身縮春三月有寒

故不得食麥豆宜食粃米醍醐諸熱物

以西國麥

冷抗米等熱也夏三月風不得食芋豆麥宜食粃米

乳酪秋三月有熱不得食粃米醍醐宜食細米麩蜜稻黍冬三月有風寒陽興陰合宜食粃米胡豆羹醍醐有時卧風起有時滅有時卧火起有時滅有時寒水起有時滅人得病有

十因緣一久坐不卧二食無實三憂愁四疲極五媯泆六嗔恚七忍大便八忍小便九制上風十制下風從是十因緣生病有九因緣命未當盡為其橫死 又智度論云四百四病者四大為身常相侵害一一大中百一病起冷病有二百二水風起故熱病有二百二

羅朱九十五

三

地火起故火熱相地堅相堅相故難消難消故能起熱病血肉筋骨脉髓等是地分除其業報者一切法皆和合因緣生也

瞻病部第三 夫四大難調六腑更反以有報身忽嬰疾或有捨俗出家孤遊獨宿或有貧病老弱無人侍衛若不平看命將安寄

故四分律佛言自今已去應看病人應作瞻病人若欲供養我者應先供養病人及至路值五眾出家人病佛制七眾皆令住看若捨而不看皆結有罪故諸佛心者以大慈悲為體隨順我語即是佛心也 若僧抵律云若道逢出家五眾病人即應竟車乘馱載令如

法供養乃至死時亦應闍維殯埋不得捨棄病人有九法成就必當橫死一知非饒益食而貪食二不知籌量三內食未消而食四食未消而摘吐出五已消應出而強持六食不隨病七隨病食而不籌量八懈怠九無慧又增一阿含經云尔時世尊告諸比丘若瞻

病人成就五法不得時差恒在牀縲云何爲
 五一瞻病之人不別良藥二懈怠無勇猛心
 三常喜瞋恚亦好睡眠四但貪衣食故瞻視
 病人五不以法供養故亦不與病人語談往
 反是謂瞻病之人成就五法不得時差五翻速得又生經世尊以偈讚曰 人當瞻疾病

問訊諸危厄 善惡有報應 如種果獲實
 世尊則爲父 經法以爲母 同學者兄弟
 因是而得度 又彌勒所問本願經云佛語
 阿難我本求道時勤苦無數乃得成佛其事
 非一佛言阿難乃往過世時有太子号曰所
 現端正妹好從園觀出道見一人得病困焉

見已有哀傷之心問於病人以何等藥得療
 卿病病者荅曰唯王身血得療我病尔時太
 子即以利刀刺身出血以與病者至心施與
 意無悔恨尔時太子者即我身是四大海水
 尚可斗量我身施血不可稱限又往過世有
 王太子号曰蓮華王端正妹好從園觀道見

羅 朱九十五

一人身體病癩見已哀念問於病者以得何
 藥療於汝病病者荅曰得王身體以塗我身
 其病乃愈是時太子即破身骨以得其髓持
 與病者歡喜惠施心無悔恨尔時太子者即
 我身是四大海水尚可外量身體布施不可
 稱計又往去世有王号曰月明端正妹好從
 宮而出道見盲者貧窮飢餓隨道乞丐往趣
 王所尔時月明王見此盲人哀之淚出謂於
 盲者有何等藥得療卿病盲者荅曰唯得王
 眼能愈我病眼乃得視是時明王自取兩眼
 以施盲者其心清然無一悔意尔時月明王
 者即我身是須弥之山尚可稱知斤兩我眼
 布施不可稱計佛語阿難彌勒菩薩本求道
 時不持耳鼻身命等施以成佛道但以善權
 方便安樂之行得致無上正真之道阿難白
 佛以何善權得致佛道佛語阿難彌勒菩薩
 晝夜各三正衣束體义手下膝着地向十方
 佛說此偈言 我悔一切過 勸助衆道德

歸命禮諸佛 令得無上惠 又法句喻經云昔有一國名曰賢提時有長老比丘長病委頓羸瘦垢穢在賢提精舍中卧無瞻視者佛將五百比丘往到其所使諸比丘傳共視之為作漿粥而諸比丘聞其臭處皆共賤之佛使帝釋取其湯水佛以金剛之手洗病比丘

羅 律 九十五

五

丘身體地震震動豁然大明莫不驚肅國王臣民天龍鬼神無央數人往到佛所稽首作禮白佛言佛為世尊三界無比道德已備云何屈意洗病比丘佛告國王及眾會者言如來所以出現於世正為此窮厄無護者耳供養病瘦沙門道人及諸貧窮孤獨老人其福無量所願如意會當得道王白佛言今此比丘宿有何罪困病積年療治不差佛告王曰往昔有王名曰惡行治政嚴暴使一多力五百主令鞭此人五百假王威怒私作寒暑若欲鞭者賈其價數得物者鞭輕不得鞭重舉國患之有一賢者為人所謀應當得鞭報五百

言吾是佛弟子素無罪過為人所枉願小垂恕五百聞是佛弟子輕手過鞭無着身者五百壽終墮地獄中拷掠万毒罪滅復出墮畜生中恒被搥杖五百餘世罪畢為人常嬰重病痛不離身今時國王者今調達是五百者今此病比丘是時賢者今吾身是吾以前世

為其所恕鞭不著身是故世尊躬為洗之人作善惡殃福隨人雖更生死不可得免於是世尊即說偈言

搥杖良善 妄讒無罪 其殃十倍 災迅無赦
生受酷痛 形體毀折 自然惱病 失意悞惚
人所輕笑 或縣官厄 財產耗盡 親戚離別

舍宅所有 災火焚燒 死入地獄 如是為十時病比丘聞佛此偈及宿命事剋心自責所患除愈得阿羅漢道賢提國王沒命奉行得須陀洹道 又善生經云瞻病人不應生狀若自無物出外求之若不得貸三寶物看差已十倍還之五百問事云看病入將病人物

為病人供給所須不問病者或問起嫌並不
 得用若已取者應償不還犯重罪又四分律
 云看病得五功德一知病人可食不可食可
 食便與二不惡賤病人大小便利唾吐三有
 慈愍心不為衣食故看四能經理湯藥乃至
 差若命終五能為病人說法歡喜已身善法

羅

朱九十五

六

增長 醫療部第四

夫人有四肢五藏壹覺壹寐呼吸吐納精氣
 往來流而為榮衛彰而為氣色發而為音聲
 此人之常數也陽用其精陰用其形天人所
 同也及其失也蒸則生熱否則生寒結而為
 瘤贅陷而為癰疽奔而為之惛竭而為焦故

良醫導之以針石救之以藥濟聖人和之以
 至德輔之以人事故體有可愈之疾天地有
 可消之災也 如增一阿含經云尔時世尊
 告諸比丘有三大患云何為三一風為大患
 二澹為大患三冷為大患然有三良藥治若
 風患者蘇為良藥及蘇所作飯食若澹患者

蜜為良藥及蜜所作飯食若冷患者油為良
 藥及油所作飯食是謂三大患有此三藥治
 如是比丘亦有三大患一貪欲二瞋恚三愚
 癡然有三良藥治一若貪欲起時以不淨往
 治及思惟不淨道二若瞋恚大患者以慈心
 往治及思惟慈心道三若愚癡大患者以智

慧往治及因緣所起道是謂比丘有此三大
 患有此三藥治又金光明經云佛在世時有
 持水長者善知醫方救諸病苦持水長者有
 子名曰流水端正第一威德具足受性聰敏
 善解諸論見諸衆生受諸苦惱時長者子即
 至父所說偈問言

羅

朱九十五

七

云何當知 四大諸根 衰損代謝 而得諸病
 云何當知 飲食時節 若食食已 身火不滅
 云何當知 治風及熱 水過肺病 及以等分
 何時動風 何時動熱 何時動水 以害衆生
 時父長者 即以偈頌 解說醫方 而答其子
 三月是夏 三月是秋 三月是冬 三月是春

是十二月 三三而說 從如是數 一歲四時 若二二說 足滿六時 三三本攝 二二現時 隨是時節 消息飲食 是能益身 醫方所說 隨時歲中 諸根四大 代謝增損 令身得病 有善醫師 隨順四時 三月將養 調和六大 隨病飲食 及以湯藥 多風病者 夏則發動 其熱病者 秋則發動 等分病者 冬則發動 其肺病者 春則增劇 有風病者 夏則應服 肥膩醃酢 及以熱食 有熱病者 秋服冷甜 等分冬服 甜酢肥膩 肺病春服 肥膩辛熱 飽食然後 則發肺病 於食消時 則發熱病 食消已後 則發風病 如是四大 隨三時發 病風羸損 補以蘇膩 熱病下藥 服呵梨勒 等病應服 三種妙藥 所謂甜辛 及以蘇膩 肺病應服 隨時吐藥 若風熱病 肺病等分 違時而發 應當任師 籌量隨病 飲食湯藥 又智度論云般若波羅蜜能除八万四千病 根本此之一万四千皆從四病起一貪二瞋

三癡四三毒等分此之四病各分二万一千 以不淨觀除貪欲二万一千煩惱以慈悲觀 除瞋恚二万一千煩惱以因緣觀除愚癡二 万一千煩惱用上藥除等分病二万一千 煩惱辟如寶珠能除黑暗般若波羅蜜亦能 除三毒煩惱病 安置部第五

蓋聞三界之宅寔四大之器六塵之境是五 陰所居良由妄想虛構惑倒交與致使万苦 爭纏百憂摠萃今既報熟命臨風燭然衆生 貪著至死不覺恐在舊所戀愛資財染著眷 屬佛教移處令生厭離知無常將至使興心 念也 如僧祇律云若是大德病者應在路 羅 末 九十五

現處上好房中擬道俗問訊生善瞻病人每 須燒香然燈香汁塗地供待人客依西域祇 桓寺圖云寺西北角日光沒處為無常院若 有病者安置在中堂号無常多生厭背去者 極衆還唯一二其堂內安一立像金色塗香 面向東方當置病人在像前坐若無力者令

病人卧面向西方觀佛相好其像手中繫一五色綵幡令病人手執幡脚作往生淨土之意坐處雖有便利世尊不以為惡原其此土本是雜穢之處猶降靈俯接下類群生况令將命投佛寧相棄捨隨病人所樂何境或作弥陀弥勒阿閼觀音等形如前安置燒香散花供養不絕生病者善心 歛念部第六

夫三界非有五陰皆無四倒十纏共相和合一切如電揮万劫於俄頃丘井易淪終漂沉於苦海迷途遂遠弱喪亡歸形軀七尺莫知其假耳目之外終自空談靡依靡救不信不受生靈一謝再返無期所以撫心自測臨危安泰也故十誦律云看病人應隨病者先所習學而讚歎之不得毀咎退本善心又四分律云為病人說法令其歡喜又毗尼母論云病人不用看病人語看病人違病者意並得罪又華嚴經臨終為病人說偈云

又放光明名見佛

羅 朱九五

彼光覺悟命終者

念佛三昧必見佛 命終之後生佛前
念彼臨終勸念善 又示尊像令瞻敬
又復勸念歸依佛 因是得成見佛光
往生論云若善男子善女人修五念成就者 畢竟得生安樂國土見彼阿弥陀佛何等為
五一者禮拜二者讚歎三者作願四者觀察
五者迴向又隨願往生經云佛告普廣菩薩
若四輩男子女人臨終之日願生十方佛刹
土者當先洗浴身體着鮮潔之衣燒眾名香
懸繒幡蓋歌讚三寶讀誦尊經為病者說因
緣喻善巧言詞微妙經義苦空非實四大假
合形如芭蕉中無有實又如電光不得久停
故云色不久鮮當歸壞敗精誠行道可得度
苦隨心所願無不獲果 述曰如前教已復
將經像至病人所題其經名像名告語示之
使開目覩見令其惺悟兼請有德智人讀誦
大乘明揚讚頌幡華亂墜宛轉目前香氣氤
氳當注鼻根恒與善語勿傳惡言以臨終時

多有惡業相現不能立志排除是故瞻病之人特須方便善巧誘誅使心心相續刹那不駐乘此福力作往生淨土之意故智度論云從生作善臨終惡念便生惡道從生作惡臨終善念而生天上又維摩經云憶所修福念於淨命又正法念經云若有衆生持戒於破

戒病人不求恩惠心不疲厭供養病人命終生普觀天五欲縱逸不知厭足 頌曰

紫統未可得 漳濱徒再離 一逢犬馬病 賁育罷駟馳 既無九轉術 復聞万金奇

不看授益掌 唯憂蓮花池 感應緣略引一十五驗 晉歐議曹掾 晉袁無忌

晉王文明 晉康法朗 晉安憲則 晉竺法義 晉羅瓊妻費氏 宋王文明 宋李清

宋釋曇穎 魏王長豫 齊釋慧進 隋釋僧喜 唐薩孤訓 唐釋徹師 晉南郡議曹掾姓歐

得病經年骨消肉盡空暨備至無復方計其子夜如得睡眠夢見數沙門來視其父明旦

羅朱九五

便往詣佛圖見諸沙門問佛為何神沙門為說事狀便將諸道人歸請讀經再宿病人自覺病如輕晝得小眠如舉頭見門中有數十小兒皆五綵衣手中有持幡仗者刀矛者於門走入有兩小兒在前徑至簾前忽便還走語後衆人小住小住屋中經是道人遂不復

來前自此後病漸漸得差右靈一驗 晉陳

國袁無忌寓居東平末嘉初得疫癘家百餘口死亡垂盡往避大宅權住田舍有一小屋

兄弟共寢板牀薦席數重夜眠失曉牀出在戶外宿笱如此兄弟怖皆不眠後見一婦人來在戶前知忌等不眠前却戶外時未署

明月朗見之綵衣白疰頭上有范錘及銀釵

象牙梳忌等便逐之物繞屋走四倒頭髮及范錘之屬皆墮落忌悉拾之仍復出門南走

臨道有井遂入井中忌還眠天曉視范錘及釵牙梳並是真物掘壞井得一楸棺三分井

水所漬忌便易棺器衣服還其物於高燥處

葬之遂斷右此一驗 晉沙門康法朗學於

中山永嘉中與一比丘西入天竺行過流沙

千有餘里見道邊敗壞佛畝無復堂殿蓬蒿

没人法朗等下瞻禮拜見有二僧各居其一

一人讀經一人患痢穢汗盈房其讀經者了

不營視朗等惻然興念留為煮粥掃除沆漉至

六日病者稍困注痢如泉朗等共料理之其

夜朗等並謂病者必不移旦至明晨往視容

色光悅痛狀休然屋中穢物皆是華馨朗等

乃悟是得道真士以試人也病者曰隔房比

丘是我和尚父得道慧可往禮觀法朗等先

嫌讀經沙門無慈愛心聞已乃作禮悔過讀

經者曰諸居誠契并至同當入道朗公宿學

業淺此世未得願也謂朗伴云慧此居植根

深當現世得願因而留之法朗後還中山為

大法師道俗宗之右此一驗 晉洛陽大市

寺有安慧則未詳氏族少無恒性卓越異人

而工正書善能談吐晉末嘉年中天下疫病

則晝夜祈誠願大神降藥以愈万民一日出

寺門見兩石形如甕則疑是異物取看之果

有神水在內病者飲服莫不皆愈後止洛陽

大市寺手自細書黃縑寫大品一部合為一

卷字如小豆而分別可識凡十餘本以一本

與汝南周仲智妻胡母氏供養胡母過江賈

經自隨後為災火所延倉卒不暇取經悲泣

懊惱火息後乃於灰中得之首軸顏色一無

虧損于時同見聞者莫不迴邪改信此經今

在京師簡靖寺靖首尼處右此一驗出

晉沙門竺法議山居好學住在始寧保山後

得病積時攻治備至而了不損日就綿篤遂

不復自治唯歸誠觀世音如此數日書眠夢

見一道人來候其病因為治之剗出腸胃瀰

洗腑臟見有結聚不淨物甚多洗濯畢還內

之語義曰汝病已除眠覺衆患豁然尋得復

常案其經云或現沙門梵志之像意者義公

所夢其是乎義以太元七年亡自竺長舒至

義六事並宋尚書令傅亮所撰亮自云其先君與義遊處義每說其事輒慄然增肅焉

宋羅璵妻費氏者寧蜀人父悅宋寧州刺史費少而敬信誦法華經數年勤至不倦後忽得病苦心痛守命闔門違懼屬續待時費氏心念我誦經勤苦宜有善祐庶不於此遂致

羅

朱九五

十二

死也既而睡卧食頃如寤如夢見佛於窓中授手以摩其心應時都愈一堂男女婢僕悉都金光亦聞香氣璵從妹即琰外族曾祖尚書中兵郎費惜之夫人也于時省疾牀前亦具聞見於是大興信悟虔戒至終每以此瑞進化子姪焉 宋時王文明宋泰始末作江

安令妻久病女於外為母作粥將熟變而為血棄之更作亦復如初如此者再母尋亡沒其後兒女在靈前哭忽見其母卧靈牀上貌如平生諸兒號感奄然而滅文明先愛其妻手下婢任身將產莖其妻日使婢守屋餘人悉詣墓所部伍始發妻便現形入戶打婢其

後諸女為父辦食殺雞剝洗已竟雞忽跳起軒首長鳴文明尋卒諸男相繼喪云

右此三驗出迷異記

宋李清者吳興於潛人也仕桓温大司馬府參軍督護於府得病還家而死經久蘇活說云初見傳教持信幡喚之云公欲相見清謂是温召即起束帶而去出門見一竹輿便令

入中二人推之疾速如馳至一朱門見阮敬時敬死已三十年矣敬問清曰卿何時來知我家何似清云卿家異惡敬便雨淚言知吾子孫如何荅云具可我今令卿得脫汝能料理吾家不清云能若能如此不負大恩敬言僧達道人是官師甚被敬禮當苦告之還內

羅

朱九五

十二

良父遣人出云門前四層寺官所起也僧達常以平旦入寺禮拜宜就求哀清往其寺見一沙門語曰汝是我前七生時弟子已經七世受福迷著世樂忘失本業背正就邪當受大罪今可改悔和上明出當相佐助清還先與中夜寒噤凍死曉門開僧達果出至寺清

便隨逐替賴僧達云汝當革心為善歸命佛法歸命比丘僧受此三歸可得不橫死受持勤者亦不經苦難清便奉受又見昨所過沙門長跪請曰此人僧手宿世弟子忘正失法方將受苦先緣所追今得歸命願垂慈愍答曰先是福人當易拔濟耳便還向朱門俄遣

人出云李參軍可去敬時亦出與清一青竹枝令閉眼騎之清如其語忽然至家家中啼哭及鄉親塞堂欲入不得會買材還家人及客赴監視之唯屍在地清入至屍前聞其屍是自念悔還但外人逼突不覺入屍時於是而活即營理敬家分宅以居於是歸心三寶

勤信法教遂作佳流弟子右此一驗出冥祥記宋長干寺有釋曇顓會替人少出家謹於戒行誦經十餘万言止長干寺善巧宣唱天然獨絕顓嘗患癩瘡積治不除房內恒供養一觀世音像晨夕禮拜求差此疾異時忽見一蛇從像後緣壁上屋頰更有一鼠子從屋墮地涎

涎沫身狀如已死顓候似活即取竹刮除涎涎又聞蛇所吞鼠能療瘡疾即行取涎涎以傳癩上所傳既遍鼠亦還活信宿之間瘡癩頓盡方悟蛇之與鼠皆是祈請所致於是君王所重名播遐迩後卒所住年八十一右一驗出唐高僧傳魏中書郎王長祿有美名父丞相至

所珍愛遇疾轉篤丞相憂念特至政在牀上坐不食已積日忽為現一人形狀甚壯著鎧執刀王問君是何人答曰僕是蔣侯也公兒不佳欲為請命故來耳勿復憂王欣喜動容即命求食食遂至數升內外咸未達所以食畢忽復慘然謂王曰中書命盡非可救者言朱九五十四

終不見右此一驗出明錄前齊末明中楊都高座寺釋慧進者少雄勇遊俠年四十忽悟非常因出家蔬食布衣誓誦法華用心勞苦執卷便病迺發願造百部以悔先障始聚得一千六百文賊來索物進示經錢賊慙而退余後遂成百部故病亦愈誦經既度情願又滿迴

此誦業願生安養聞空中告曰汝願已足必

得往生無病而卒八十餘矣右此一驗出真祥記

隋文成郡馬頭山釋僧善姓席氏絳郡正平

人也仁壽之歲其道彌隆及疾篤將極告弟

子曰吾患腸中冷結者昔在少年山居服業

糧粒既斷嬾往追求噉小石子用充日夕因

覺為病死後破腸看之果如所言若吾終後

不須焚燎外捐物命可坐于瓮中埋之以大

業初年卒于大黃巖中道俗依言而殯絳州

僧襲比丘承習善公不虧化法善師終日他

行不見後尋其遺骸莫知所在忽聞爆聲振

裂響發林谷見地分涌发出于外骸骨如雪

唯舌存焉紅赤鮮映逾於生日因取舌骨兩

以為塔右一驗出唐高僧傳唐貞觀二十年征龜茲

有薩孤訓者為行軍倉曹參軍及屠龜茲城

後乃於精舍剥佛面取金旬日之間眉毛摠

落還至伊州乃於佛前悔過所得金者皆迴

造功德未幾眉毛復生唐絳州南孤山陷泉

十五

磧砂大藏經

法苑珠林

卍

第一〇五册

寺沙門徹禪師曾行遇癩人在穴中徹引出
山中為鑿穴給食令誦法華經素不識字加
又頑鄙句句授之終不辭倦誦經向半夢有
教者自後稍聰得五六卷瘡漸覺愈一部既
了鬚眉平復膚色如常故經云病之良藥斯
言驗矣右一驗出真報拾遺

法苑珠林卷第九十五

羅五

黠於取也反潢胡曠反潰胡曠反歐烏厚反噫於栗反噉

乙劣粃音摘知華反瘤力求反贅之莠反惴之睡反秋

誅徒聿也反統胡官反璵美玉也反鏗形頂反楸音

縑音縑慄力審反續綿口浪反琰上起反悖把淫反

襲音絳降音降夜居又反